



RABU, 7 OKTOBER 2020
7.00 PETANG

HEBAHAN BERKAITAN KEMASUKAN PELAJAR UNIVERSITI SAINS MALAYSIA (USM)

Berikutan peningkatan kes positif COVID-19 serta rekod pengesanan kes baharu yang membimbangkan di seluruh negara sejak 1 Oktober 2020, Universiti Sains Malaysia (USM) berada dalam keadaan bersiap siaga serta mengambil pendekatan dan langkah berjaga-jaga bagi memastikan keselamatan dan kesejahteraan warganya.

Pihak Universiti mengambil beberapa inisiatif untuk mengawal situasi dalam kampus termasuk hal-hal berkaitan **kemasukan pelajar ke kampus**. Antara keputusan yang perlu diberi perhatian adalah:

1. KEMASUKAN PELAJAR PASCA-SISWAZAH KE KAMPUS

- Semua pelajar pasca-siswazah (tempatan atau antarabangsa) yang berada dalam negara dibenarkan akses keluar-masuk ke kampus atas urusan pembelajaran dan penyelidikan **DENGAN SYARAT:**
 - ✓ Mempunyai kelulusan khas Dekan Pusat Pengajian (**Borang A, dilampirkan**) – Sila dapatkan kebenaran baharu untuk Semester 1 2020/2021.
 - ✓ Menetapkan tarikh untuk memasuki kampus dan mengisi borang deklarasi kesihatan dalam talian tiga hari sebelum tarikh pulang ke kampus.
 - ✓ Hadir dan terus ke fasiliti kesihatan dalam kampus untuk saringan COVID-19 pada hari pertama memasuki kampus.
 - ✓ Mematuhi Standard Operasi Prosedur (SOP) Universiti dalam membendung penularan COVID-19 (PTJ juga diminta memastikan semua kemudahan mematuhi Garis Panduan Operasi Makmal Pasca PKP COVID-19 yang telah dikeluarkan oleh Bahagian Penyelidikan dan Inovasi).
 - ✓ BUKAN dari **ZON MERAH** (dengan merujuk kepada carta info terkini *Crisis Preparedness and Response Centre-CPRC*, Kementerian Kesihatan Malaysia).

2. KEMASUKAN PELAJAR IJAZAH PERTAMA (TAHUN 2, 3 & 4) KE KAMPUS

- Pelajar lama **TIDAK DIGALAKKAN** untuk pulang ke kampus sehingga tamat cuti pertengahan semester iaitu pada 7/12/2020 (Tertakluk kepada perkembangan semasa kes COVID-19).
- Pun begitu, kebenaran masuk pelajar lama ke kampus **DIBENARKAN** kepada kes-kes tertentu mengikut jadual seperti di bawah:

Pelajar tahun akhir yang perlu menyiapkan projek tahun akhir (FYP) dalam semester 1, atau keperluan mendesak lain	Sabtu & Ahad 24 & 25 Oktober 2020
--	--

<p>Pelajar tahun 2 dan 3 (kumpulan B40 dan B10) yang berkeperluan khas/mempunyai masalah capaian internet yang terhad untuk pembelajaran dalam talian</p> <p>Pelajar tahun 2, 3, dan 4 yang diminta masuk ke kampus oleh pusat pengajian</p>	<p style="text-align: center;">Sabtu</p> <p style="text-align: center;">31 Oktober 2020</p>
--	---

- Kemasukan pelajar yang seperti dalam jadual di atas di dalam kampus **HANYA DIBENARKAN DENGAN SYARAT**:
 - ✓ Mendapat kelulusan Dekan (Melalui Borang Kebenaran Khas - **Borang A, dilampirkan**).
 - ✓ Menetapkan tarikh untuk memasuki kampus dan mengisi borang deklarasi kesihatan dalam talian tiga hari sebelum tarikh pulang ke kampus.
 - ✓ Hadir dan terus ke fasiliti kesihatan dalam kampus untuk saringan COVID-19.
- Pelajar dari **ZON MERAH** tidak dibenarkan pulang ke kampus. (Rujuk hebahan rasmi dan carta info terkini dari *Crisis Preparedness and Response Centre-CPRC*, Kementerian Kesihatan Malaysia).
- Pihak Universiti akan mengaktifkan semula Borang A, Borang Kuning, Borang Merah dan Borang Putih (Borang-borang khas kebenaran keluar masuk ke kampus).

3. KEMASUKAN PELAJAR IJAZAH PERTAMA (Pelajar Baharu) KE KAMPUS

- Pelajar baharu USM akan memulakan pengajian sepenuhnya secara dalam talian.
- Tertakluk kepada keputusan universiti pada masa akan datang, tarikh terawal pelajar baharu akan masuk ke kampus adalah selepas cuti pertengahan semester (7 Disember 2020). Sila beri perhatian kepada pengumuman yang akan dilakukan pada masa akan datang.

Pelajar-pelajar di Kampus Kesihatan dan Kampus Kejuruteraan adalah tertakluk kepada kebenaran dari Pengarah Kampus masing-masing.

Pelajar perlu sentiasa peka kepada pengumuman dari universiti dan pusat pengajian masing-masing.

Sekiranya mengambil keputusan untuk kembali ke kampus, pelajar adalah tertakluk kepada sebarang keputusan semasa pihak Universiti. Jika sekiranya Universiti mengambil langkah menghadkan akses keluar-masuk (kawalan pergerakan keluar-masuk kampus), pelajar perlu mematuhiya bagi menyokong usaha Universiti mengawal risiko dan memastikan kampus bebas dari sebarang kes-kes berkaitan COVID-19.

Dalam tempoh Perintah Kawalan Pergerakan Pemulihan (PKPP) ini, semua pelajar digesa supaya sentiasa mengamalkan kawalan sendiri termasuk penjarakan fizikal, memakai pelitup muka, kerap mencuci tangan dengan air dan sabun atau *hand sanitizer* di samping penjagaan kesihatan bagi mengelakkan diri dari dijangkiti penyakit.

Sekiranya mengalami gejala COVID-19, pelajar hendaklah segera mendapatkan rawatan dari fasiliti kesihatan yang berdekatan. Rawatan awal dapat mengurangkan risiko penyakit menjadi lebih kritikal.

Untuk sebarang maklumat lanjut, sila hubungi talian hotline Bilik Gerakan USM seperti di bawah:

- 1) Kampus Induk :- 04-6532267 / 04-6536124 (Nerve Centre)
- 2) Kampus Kesihatan :- 09-7671310
- 3) Kampus Kejuruteraan :- 04-5995530/5531/5532/5533
- 4) Institut Perubatan dan Pergigian Termaju (IPPT) :- 04-5622999

Email :- nerve_centre_usm@usm.my

PROFESOR DR. MD ROSLAN HASHIM

Pengerusi Nerve Centre COVID-19 USM

Merangkap

Timbalan Naib Canselor Kelestarian dan Pembangunan Institusi

Universiti Sains Malaysia

7 Oktober 2020